

МОНГОЛ УЛСЫН ХУУЛЬ

20.. оны ... дугаар сарын ...-ний өдөр

Улаанбаатар хот

ОРОН ЗАЙН ӨГӨГДЛИЙН ДЭД БҮТЦИЙН ТУХАЙ**НЭГДҮГЭЭР БҮЛЭГ
НИЙТЛЭГ ҮНДЭСЛЭЛ****1 дүгээр зүйл. Хуулийн зорилт**

1.1.Энэ хуулийн зорилт нь орон зайн өгөгдлийн дэд бүтцийг байгуулах, үйл ажиллагааг удирдах, зохион байгуулах, хяналт тавих, хэрэглээг нэмэгдүүлэхтэй холбогдсон харилцааг зохицуулахад оршино.

2 дугаар зүйл. Орон зайн өгөгдлийн дэд бүтцийн тухай хууль тогтоомж

2.1.Орон зайн өгөгдлийн дэд бүтцийн тухай хууль тогтоомж нь Монгол Улсын Үндсэн хууль, Геодези, зураг зүйн тухай хууль, Газрын тухай хууль, Хот байгуулалтын тухай хууль, Кадастрын зураглал ба кадастрын тухай хууль, Газрын хэвлийн тухай хууль, Соёлын өвийг хамгаалах тухай хууль, Хаягжуулалтын тухай хууль, Хөрс хамгаалах, цөлжилтөөс сэргийлэх тухай хууль, Статистикийн тухай хууль, Авто замын тухай хууль, Харилцаа, холбооны тухай хууль, Иргэний хууль, Нийтийн мэдээллийн ил тод байдлын тухай хууль, Кибер аюулгүй байдлын тухай хууль, Төрийн болон албаны нууцын тухай хууль, Стандартчилал, техникийн зохицуулалт, тохирлын үнэлгээний итгэмжлэлийн тухай хууль, энэ хууль болон эдгээртэй нийцүүлэн гаргасан хууль тогтоомжийн бусад актаас бүрдэнэ.

2.2.Монгол Улсын олон улсын гэрээнд, энэ хуульд зааснаас өөрөөр заасан бол олон улсын гэрээний заалтыг дагаж мөрдөнө.

3 дугаар зүйл. Хуулийн үйлчлэх хүрээ

3.1.Энэ хууль нь орон зайн өгөгдлийн дэд бүтцийн үйл ажиллагаа, түүнийг удирдах, зохион байгуулахад оролцогч төрийн ба төрийн бус байгууллага, хуулийн этгээд, иргэнд хамаарна.

4 дүгээр зүйл. Хуулийн нэр томъёоны тодорхойлолт

4.1.Энэ хуульд хэрэглэсэн дараах нэр томъёог дор дурдсан утгаар ойлгоно:

4.1.1.“орон зайн өгөгдлийн дэд бүтэц” гэж орон зайн өгөгдлийг бүрдүүлэх, боловсруулах, хадгалах, хамгаалах, түгээх, ашиглах зорилгоор олон талын хамтын ажиллагааг удирдан зохион байгуулах бодлого, хууль тогтоомж, стандарт, техник, технологи, хүний нөөцийн цогцыг;

4.1.2.“орон зайн өгөгдөл” гэж газрын гадаргын дээр, доор, ус, агаарт, тодорхой орон зайд орших байгалийн ба хүний үйл ажиллагаагаар бүтээгдсэн биет юмс, үзэгдлийн байрлал, хил, түүний шинж чанарыг тодорхойлсон мэдээллийн цогцыг;

4.1.3.“мета-өгөгдөл” гэж орон зайн өгөгдлийг ангилах, хайх, бүртгэх, цэгцлэх, ашиглахад зориулагдсан, орон зайн өгөгдлийн шинж чанарын тухай мэдээллийг агуулсан өгөгдлийн багцыг;

4.1.4.“геопортал” гэж орон зайн өгөгдөлд хандах, хайх, засварлах, дүн шинжилгээ хийх боломж бүхий цахим үйлчилгээ үзүүлэх Интернэтэд суурилсан цахим системийг;

4.1.5.“геоплатформ” гэж геопорталаар дамжуулан орон зайн өгөгдлийн дэд бүтцийн үйл ажиллагааг хэрэгжүүлэх өгөгдлийн нэгдсэн сан, программ хангамж, техник хангамж, технологийн шийдлийн цогцыг;

4.1.6.“хандах эрх” гэж геоплатформд байгаа орон зайн өгөгдөлд хандахад эрх бүхий байгууллагаас төрийн байгууллага, иргэн, хуулийн этгээдэд олгож буй нэвтрэх эрхийн зөвшөөрлийг;

4.1.7.“үйлчилгээний хураамж” гэж иргэн, хуулийн этгээд геопорталаас төлбөртэй үйлчилгээ, лавлагаа авахад төлөх төлбөрийг;

4.1.8.“орон зайн өгөгдөл хариуцагч” гэж хуульд заасан чиг үүргийнхээ хүрээнд орон зайн өгөгдөл бүрдүүлэгч, түгээгч этгээдийг;

4.1.9.“техникийн баримт бичиг” гэж орон зайн өгөгдлийн дэд бүтцийн үйл ажиллагаанд ашиглагдах стандарт, норм, дүрэм, журам зэрэг баримт бичгийг.

5 дугаар зүйл. Орон зайн өгөгдлийн дэд бүтцийн талаар баримтлах зарчим

5.1.Орон зайн өгөгдлийн дэд бүтцийн үйл ажиллагаанд дараах зарчмыг баримтална:

5.1.1.үндэсний аюулгүй байдал, хүн амын эрүүл мэнд, байгаль орчинд сөрөг нөлөө үзүүлж болзошгүй үйл ажиллагаа явуулахгүй байх;

5.1.2.өгөгдөл үнэн зөв, оновчтой, нарийвчлал сайтай, үр ашигтай байх;

5.1.3.нууцын зэрэглэлд хамаарахаас бусад өгөгдөл ил тод байх;

5.1.4.өгөгдөл нэгдмэл, хүртээмжтэй, олон хэрэглэгч зэрэг ашиглах боломжтой байх;

5.1.5.байгаль орчин, экологи, нийгэм, эдийн засгийн тогтвортой хөгжлийг дэмжихэд чиглэсэн байх;

5.1.6.техник, технологийн дараа үеийн ололтод суурилсан байх;

5.1.7.төр, хувийн хэвшлийн түншлэлийг дэмжих;

5.1.8.Орон зайн өгөгдлийн дэд бүтцийн үйл ажиллагаанд иргэн, аж ахуйн нэгж, байгууллага чөлөөтэй оролцох.

ХОЁРДУГААР БҮЛЭГ

ОРОН ЗАЙН ӨГӨГДЛИЙН АНГИЛАЛ, ТӨРӨЛ, ДҮРСЛЭЛ, ТЭДГЭЭРИЙН БҮРДЭЛ

6 дугаар зүйл. Орон зайн өгөгдлийн ангилал, төрөл

6.1.Орон зайн өгөгдөл нь дараах ангилалтай байна.

6.1.1.орон зайн суурь өгөгдөл;

6.1.2.орон зайн сэдэвчилсэн өгөгдөл.

6.2.Орон зайн суурь өгөгдөлд дараах орон зайн өгөгдлүүд хамаарна.

6.2.1.геодезийн байнгын цэг тэмдэгтийн;

6.2.2.байр зүйн зургийн;

6.2.3.газар зүйн нэрийн;

6.2.4.газар ашиглалтын;

- 6.2.5.газрын бүрхэвчийн;
- 6.2.6.барилга байгууламжийн;
- 6.2.7.инженерийн дэд бүтцийн;
- 6.2.8.зам тээврийн сүлжээний;
- 6.2.9.инженер-геологийн;
- 6.2.10.кадастрын нэгж талбарын;
- 6.2.11.орто-зураглалын;
- 6.2.12.өндрийн;
- 6.2.13.түүх, соёл, археологийн өвийн;
- 6.2.14.ус зүйн;
- 6.2.15.хаягийн;
- 6.2.16.хил заагийн;
- 6.2.17.хөрсний;
- 6.2.18.хүн ам, нийгмийн.

6.3.Энэ хуулийн 6.2-т заасан орон зайн суурь өгөгдөл нь өгөгдлийн чанарын үзүүлэлт болон орон зайн суурь өгөгдлийн сангийн бүтэц, дүрслэл, шинж чанарын мэдээлэл, нэгдсэн загварчлалыг тодорхойлсон стандарттай байна.

6.4.Энэ хуулийн 6.3-т заасан стандартыг орон зайн өгөгдлийн дэд бүтцийн асуудал эрхэлсэн төрийн захиргааны байгууллага боловсруулж, стандартчилал, техникийн зохицуулалтын асуудал хариуцсан төрийн захиргааны байгууллага батална.

6.5.Орон зайн суурь өгөгдөл нь энэ хуулийн 6.3-т заасан стандартад дурдсан мэдээллийг агуулна.

6.6.Орон зайн суурь өгөгдөлд үндэслэсэн, тодорхой сэдэв, агуулгын хүрээнд нарийвчлан боловсруулсан орон зайн өгөгдөл нь орон зайн сэдэвчилсэн өгөгдөлд хамаарна.

6.7.Орон зайн суурь өгөгдөл нь төрийн нууц болон хуулиар хамгаалагдсан бусад нууцыг агуулсан мэдээ, мэдээлэл, түүнчлэн нэвтрэх эрхийг хуулиар хязгаарласан бусад мэдээллийг агуулж болохгүй.

6.8.Орон зайн суурь болон сэдэвчилсэн өгөгдөл, тэдгээрийн стандарт, агуулга, мета өгөгдөлд тавигдах шаардлагыг Үндэсний орон зайн өгөгдлийн дэд бүтэц, бусад баримт бичгийг хөтлөх журмын дагуу тогтооно.

7 дугаар зүйл.Орон зайн өгөгдлийн мета-өгөгдөл

7.1.Орон зайн өгөгдлийн мета-өгөгдлийг түүний стандартын дагуу орон зайн өгөгдлийг бүрдүүлэх, боловсруулахдаа хамт бүрдүүлнэ.

7.2.Орон зайн өгөгдлийн дор дурдсан мета-өгөгдөл нь нээлттэй байна.

- 7.2.1.солбицол, өндрийн тогтолцоо, тусгаг;
- 7.2.2.өгөгдлийн чанар;
- 7.2.3.өгөгдлийн төрөл;
- 7.2.4.орон зайн дүрслэл;
- 7.2.5.бүрдүүлсэн огноо;
- 7.2.6.өгөгдлийн шинэчлэлт;
- 7.2.7.хариуцагч этгээд;
- 7.2.8.хязгаарлалт.

ГУРАВДУГААР БҮЛЭГ

ОРОН ЗАЙН ӨГӨГДЛИЙН ДЭД БҮТЦИЙН ҮЙЛ АЖИЛЛАГАА

8 дугаар зүйл. Орон зайн өгөгдлийн дэд бүтцийн үйл ажиллагаа

8.1.Орон зайн өгөгдлийн дэд бүтцийн үйл ажиллагааны стратеги, түүнийг хэрэгжүүлэх арга хэмжээний төлөвлөгөөтэй байна.

8.2.Орон зайн өгөгдлийн дэд бүтцийн үйл ажиллагаа нь орон зайн өгөгдлийг бүрдүүлэх, боловсруулах, хадгалах, хамгаалах, түгээх, ашиглах; бодлого, хууль тогтоомж, стандарт, журам боловсруулах, батлуулах, хэрэгжүүлэх хүний нөөц, техник, технологийг бүрдүүлэх, хөгжүүлэх; олон талын хамтын ажиллагааг удирдан зохион байгуулах үйл ажиллагаанаас бүрдэнэ.

8.3.Орон зайн суурь өгөгдлийг орон зайн өгөгдлийн дэд бүтцийн үйл ажиллагааг зохицуулах журмын дагуу геоплатформд төвлөрүүлж, геопорталаар дамжуулан түгээх бөгөөд онцгой нөхцөлд файл болон хэвлэмэл байдлаар түгээж болно.

8.4.Энэ хуулийн 8.3-т заасан журмыг Засгийн газар батална.

9 дүгээр зүйл. Орон зайн өгөгдлийг бүрдүүлэх

9.1.Орон зайн суурь өгөгдөл нь солбицол, өндөр, тусгагийн нэгдсэн тогтолцоонд хийгдсэн байна.

9.2.Орон зайн суурь өгөгдлийг энэ хуулийн 6.3-т заасан стандартын дагуу дараах байгууллага бүрдүүлнэ:

9.2.1.энэ хуулийн 6.2.1, 6.2.2, 6.2.3, 6.2.11, 6.2.12-т заасан орон зайн суурь өгөгдлийг геодези, зураг зүйн асуудал эрхэлсэн төрийн захиргааны байгууллага;

9.2.2.энэ хуулийн 6.2.4, 6.2.5, 6.2.10, 6.2.15, 6.2.16, 6.2.17-д заасан орон зайн суурь өгөгдлийг газрын асуудал эрхэлсэн төрийн захиргааны байгууллага болон энэ чиглэлээр үйл ажиллагаа явуулдаг байгууллага;

9.2.3.энэ хуулийн 6.2.6, 6.2.7-д заасан орон зайн суурь өгөгдлийг хот байгуулалтын асуудал эрхэлсэн төрийн захиргааны төв байгууллагын харьяа байгууллага;

9.2.4.энэ хуулийн 6.2.8-д заасан орон зайн суурь өгөгдлийг авто замын асуудал эрхэлсэн төрийн захиргааны төв байгууллагын харьяа байгууллага;

9.2.5.энэ хуулийн 6.2.9-д заасан орон зайн суурь өгөгдлийг газрын асуудал эрхэлсэн төрийн захиргааны байгууллага, геологи, уул уурхайн асуудал эрхэлсэн төрийн захиргааны байгууллага болон үндэсний геологийн алба;

9.2.6.энэ хуулийн 6.2.13-д заасан орон зайн суурь өгөгдлийг соёлын асуудал эрхэлсэн төрийн захиргааны байгууллага болон энэ чиглэлээр үйл ажиллагаа явуулдаг байгууллага;

9.2.7.энэ хуулийн 6.2.14-д заасан орон зайн суурь өгөгдлийг усны асуудал эрхэлсэн төрийн захиргааны байгууллага болон энэ чиглэлээр үйл ажиллагаа явуулдаг байгууллага;

9.2.8.энэ хуулийн 6.2.18-д заасан орон зайн суурь өгөгдлийг статистикийн асуудал эрхэлсэн төрийн захиргааны байгууллага.

9.3.Орон зайн өгөгдлийн бүрдүүлэлт нь дараах аргад суурилна.

9.3.1.геодезийн хэмжилт, зураглал;

9.3.2.бүртгэл, тооллого;

9.3.3. шинжлэх ухаан, технологийн ололтод суурилсан бусад арга.

9.4. Орон зайн сэдэвчилсэн өгөгдлийг бүрдүүлэхэд, мэргэжлийн байгууллага тухайн захиалагчийн ажлын даалгаврын дагуу орон зайн суурь өгөгдлийн байрлал, өндрийн нарийвчлал, масштабыг өөрчлөхгүйгээр хийж гүйцэтгэнэ.

9.5. Энэ хуулийн 9.2-т заасан этгээд нь орон зайн суурь өгөгдлийн чанар болон үнэн зөв байдлын хариуцагч байна.

9.6. Орон зайн суурь болон сэдэвчилсэн өгөгдлийг тодорхой хугацаанд шинэчилдэг байх бөгөөд үүнийг тусгай журмаар зохицуулна.

10 дугаар зүйл. Орон зайн өгөгдлийг боловсруулах

10.1. Орон зайн өгөгдөлд, орон зайн мэдээлэлд боловсруулалт хийдэг зориулалтын программ хангамж ашиглан боловсруулалт хийнэ.

10.2. Орон зайн өгөгдөлд машин сургалттай болон хиймэл оюуны аргуудыг ашиглан боловсруулалт хийж болно.

10.3. Орон зайн өгөгдлийн боловсруулалтын газрын зураг хэлбэрээр илэрхийлэгдсэн үр дүн нь Монгол улсад ашиглахаар батлагдсан солбицол, өндөр, тусгагийн нэгдсэн тогтолцоонд байна.

10.4. Орон зайн өгөгдлийг боловсруулж гарсан үр дүнгийн формат, мета-өгөгдөл нь орон зайн өгөгдлийн дэд бүтцийн бусад мэдээлэлтэй ижил стандарттай байна.

11 дүгээр зүйл. Орон зайн өгөгдлийг хадгалах, хамгаалах

11.1. Орон зайн өгөгдлийг гэмтэхгүй, алдагдахгүй, гадны халдлагад өртөхгүй, аюулгүй байх техникийн болон технологийн шийдлийг нэвтрүүлж хадгалж, хамгаална.

11.2. Орон зайн өгөгдлийн хадгалалт, хамгаалалтыг орон зайн өгөгдөл, мэдээ, мэдээллийг архивлах, хадгалах, хамгаалах журмын дагуу гүйцэтгэнэ.

11.3. Геоплатформд агуулагдаж буй орон зайн өгөгдөл нь төрийн өмч бөгөөд улсын бүртгэлийн мэдээллийн үндэс байна.

11.4. Орон зайн суурь өгөгдөл, мэдээллийн санг хадгалж буй программ хангамж, сүлжээ, техник хангамж бүхий дэд бүтэц төрийн хамгаалалтад байх ба түүний байрлал нь төрийн нууцад хамаарна.

11.5. Орон зайн мэдээллийн санг устгах, гэмтээхээс сэргийлэхийн тулд тухайн санг хувилж, төрийн цахим мэдээллийн сан хариуцсан байгууллагад хадгална.

11.6. Орон зайн өгөгдлийг хадгалах, хамгаалахад төвлөрсөн бус өгөгдлийн сангийн технологийн шийдлийг нэвтрүүлж болно.

11.7. Гамшиг, гэнэтийн буюу давагдашгүй хүчин зүйл, онц байдлын улмаас геоплатформ болон орон зайн суурь өгөгдөлд учрах эрсдэлийг бууруулах, бэлэн байдлыг хангах төлөвлөгөөтэй байна.

12 дугаар зүйл. Орон зайн өгөгдлийг түгээх

12.1. Орон зайн суурь өгөгдлийг геопорталаар дамжуулан, хандах эрхээр зохицуулагдсан орчинд түгээж, солилцохоос гадна онцгой нөхцөлд тоон болон хэвлэмэл байдлаар солилцож болно.

12.2. Түгээх орон зайн суурь өгөгдөл нь дараах төрөлтэй байна:

12.2.1. нээлттэй;

12.2.2.хаалттай.

12.3.Энэ хуулийн 12.2.1-т заасан өгөгдөл нь төлбөртэй болон төлбөргүй байж болно.

12.4.Орон зайн суурь өгөгдөл нь зохиогчийн эрхтэй бол түүнийг түгээхээс өмнө эрх бүхий байгууллагад хандан, хуульд заасны дагуу баталгаажуулсан байна.

12.5.Төрийн байгууллага үндсэн үйл ажиллагаагаа хэрэгжүүлэх зорилгоор геопорталаас орон зайн өгөгдлийг харах, татах болон файл, хэвлэмэл байдлаар авч ашиглахад үйлчилгээний хураамж төлөхгүй.

12.6.Энэ хуулийн 12.4-т зааснаас бусад иргэн, хуулийн этгээд үйлчилгээний хураамж төлнө.

12.7. Орон зайн суурь өгөгдлийн төлбөрийг орон зайн өгөгдлийн төлбөрийн хувь, хэмжээг тооцох аргачлалаар тогтооно.

12.8.Төрийн болон албаны нууцад хамаарах орон зайн өгөгдлийг энэ хуулийн 12.2.2-т заасан төрлөөр түгээнэ.

12.9.Энэ хуулийн 12.1-т заасан хандах эрхийг нээх, хаах, өөрчлөх асуудлыг геопорталыг ажиллуулах журмаар зохицуулна.

12.10.Геопорталаар үзүүлсэн үйлчилгээнд улсын тэмдэгтийн хураамж төлнө.

12.11.Гамшиг, гэнэтийн буюу давагдашгүй хүчин зүйл, онц байдлын үед холбогдох байгууллагыг орон зайн суурь өгөгдлөөр шуурхай хангана.

12.12.Үндэсний аюулгүй байдлыг хангахад зориулсан тусгай геоплатформд шаардлагатай орон зайн суурь өгөгдлийг түгээх үйл ажиллагааг холбогдох хуулиар зохицуулна.

13 дугаар зүйл. Орон зайн өгөгдлийг ашиглах

13.1.Орон зайн өгөгдлийг ашиглахдаа геопорталд хандах эрхээр нэвтрэхээс гадна, шаардлагатай тохиолдолд файл болон хэвлэмэл байдлаар авч ашиглаж болно.

13.2.Геопорталд хандах эрхийн зохицуулалтыг энэ хуулийн 12.3-т заасан журмаар зохицуулна.

13.3.Орон зайн өгөгдөл, мета-өгөгдлийг ашиглахдаа түүний эх сурвалжийг дурдсан байна.

13.4.Гамшиг, гэнэтийн ослын үед иргэн, хуулийн этгээдийн эзэмшилд байгаа орон зайн сэдэвчилсэн өгөгдлийг Гамшгаас хамгаалах тухай хуульд заасны дагуу гаргуулан авна.

ДӨРӨВДҮГЭЭР БҮЛЭГ

ОРОН ЗАЙН ӨГӨГДЛИЙН ДЭД БҮТЦИЙН УДИРДЛАГА, ЗОХИОН БАЙГУУЛАЛТ, БҮРЭН ЭРХ, ХЯНАЛТ, САНХҮҮЖИЛТ

14 дүгээр зүйл. Орон зайн өгөгдлийн дэд бүтцийн Зохицуулах хороо

14.1.Орон зайн өгөгдлийн дэд бүтцийг байгуулах, хөгжүүлэх, хэвийн үйл ажиллагааг хангах, нэгдсэн удирдлагаар хангах, нийгэм, эдийн засгийн салбар бүрт орон зайн мэдээллийн хэрэглээг нэмэгдүүлэх, үр ашгийг дээшлүүлэх үүрэг бүхий орон тооны бус Орон зайн өгөгдлийн дэд бүтцийн зохицуулах хороо /цаашид “Зохицуулах хороо” гэх/-той байна.

14.2.Зохицуулах хорооны дарга нь Засгийн газрын Хэрэг эрхлэх газрын дарга байна.

14.3.Зохицуулах хороо нь дарга, нарийн бичгийн дарга, гишүүдээс бүрдсэн 9 буюу түүнээс дээш хүний бүрэлдэхүүнтэй байна.

14.4.Зохицуулах хорооны нарийн бичгийн дарга, гишүүнийг хорооны дарга томилж, чөлөөлнө.

14.5.Зохицуулах хорооны нарийн бичгийн дарга нь орон зайн өгөгдлийн дэд бүтцийн асуудал эрхэлсэн төрийн захиргааны байгууллагын дарга байна.

14.6.Зохицуулах хорооны гишүүдэд энэ хуулийн 6.2-т заасан орон зайн суурь өгөгдлийг бүрдүүлэгч Засгийн газрын гишүүн болон төрийн захиргааны байгууллагын дарга нар байна.

14.7.Зохицуулах хорооны даргын шийдвэрээр Зохицуулах хороонд, орон зайн өгөгдлийн дэд бүтэц, газарзүйн мэдээллийн системийн чиглэлээр мэргэшсэн мэргэжлийн өндөр мэдлэг, туршлагатай 2-оос доошгүй мэргэжилтэнг оруулна.

14.8.Орон зайн өгөгдлийн дэд бүтцийн асуудал эрхэлсэн төрийн захиргааны байгууллага зохицуулах хорооны ажлын албатай байна.

15 дугаар зүйл. Зохицуулах хорооны чиг үүрэг

15.1.Зохицуулах хороо нь дараах чиг үүргийг хэрэгжүүлнэ:

15.1.1.орон зайн өгөгдлийн дэд бүтцийн талаар хөгжлийн бодлого, төлөвлөлтийн баримт бичигт туссан зорилт, арга хэмжээний хэрэгжилтэд хяналт тавих;

15.1.2.геоплатформын техникийн нөхцөл, ашиглалт, шаардлагыг тодорхойлсон журмыг батлах;

15.1.3.орон зайн өгөгдлийн төлбөрийн хувь, хэмжээг тооцох аргачлал, хэмжээг батлах;

15.1.4.Орон зайн өгөгдлийн бүрдүүлэгчид болон салбар хоорондын уялдаа, хамтын ажиллагааг зохицуулах

15.1.5.орон зайн өгөгдлийн дэд бүтцийг хөгжүүлэхтэй холбоотой хууль, тогтоомж, бодлого, стандарт, журмыг боловсруулах ажлыг зохион байгуулах;

15.1.6.хууль, тогтоомжийн биелэлтийг зохион байгуулах, эдгээрийг хэрэгжүүлэх арга хэмжээний төлөвлөгөөг батлах;

15.1.7.зохицуулах хорооны шийдвэрийн биелэлтийг хангуулах;

15.1.8.орон зайн өгөгдлийн дэд бүтцийн оролцогч талуудыг мэргэжлийн болон арга зүйн удирдлагаар хангах;

15.1.9.орон зайн өгөгдлийн дэд бүтцийн чиглэлээр Төрийн захиргааны байгууллагын хийсэн ажлын жил бүрийн тайланг хэлэлцэж, үнэлэлт, дүгнэлт өгөх;

15.1.10.хууль тогтоомжид заасан бусад чиг үүрэг.

15.2.Зохицуулах хорооны үйл ажиллагаа нь хурлын хэлбэртэй, шийдвэр нь тогтоол, тэмдэглэл, дүгнэлт, зөвлөмж хэлбэртэй байна.

15.3.Зохицуулах хороо нь албан бичгийн хэвлэмэл хуудас, тэмдэгтэй байна.

16 дугаар зүйл. Засгийн газрын чиг үүрэг

16.1.Засгийн газар орон зайн өгөгдлийн дэд бүтцийн талаар дараах чиг үүргийг хэрэгжүүлнэ:

16.1.1.орон зайн өгөгдлийн дэд бүтцийг хөгжүүлэх, оновчтой ашиглах, үр ашгийг нэмэгдүүлэх зорилгоор 4 жил тутамд бодлогын үндсэн төлөвлөгөө боловсруулна.

16.1.2.орон зайн өгөгдлийн дэд бүтцийн талаарх хууль тогтоомжийг хэрэгжүүлэх ажлыг зохион байгуулах;

16.1.3.зохицуулах хороог байгуулах, үйл ажиллагааны дүрмийг батлах;

16.1.4.орон зайн өгөгдлийн дэд бүтцийн үйл ажиллагааг зохицуулах журмыг батлах;

16.1.5.орон зайн нээлттэй өгөгдлийн жагсаалтыг батлах;

16.1.6.геопорталыг ажиллуулах журмыг батлах, хэрэгжилтэд хяналт тавих;

16.1.7.орон зайн өгөгдлийн дэд бүтцийн чиглэлээр өндөр технологийг хөгжүүлэх, бодлогын судалгаа, шинжилгээний байгууллагыг байгуулах, дүрмийг батлах;

16.1.8.орон зайн өгөгдлийн дэд бүтцийг хөгжүүлэх, тогтвортой үйл ажиллагааг хангах үүднээс шаардлагатай төсвийг жил бүр батлах;

16.1.9.орон зайн өгөгдлийн дэд бүтцийн үйл ажиллагаанд хяналт тавих, шалгалт хийх, дүгнэлт, зөвлөмж гаргах.

17 дугаар зүйл.Төрийн захиргааны байгууллагын бүрэн эрх, үүрэг

17.1.Орон зайн өгөгдлийн дэд бүтцийн асуудал эрхэлсэн төрийн захиргааны байгууллага дараах чиг үүргийг хэрэгжүүлнэ.

17.1.1.орон зайн өгөгдлийн дэд бүтцийг хөгжүүлэх бодлогын төлөвлөгөөний дагуу орон зайн бодлогыг хэрэгжүүлэх үйл ажиллагааны төлөвлөгөөг жил бүр боловсруулах;

17.1.2.орон зайн өгөгдлийн дэд бүтцийн талаар хөгжлийн бодлого, төлөвлөлтийн баримт бичгийн хэрэгжилтийг хангах;

17.1.3.орон зайн өгөгдлийн дэд бүтцийн чиглэлээр боловсон хүчнийг бэлтгэх, хүний нөөцийг чадавхжуулах бодлого боловсруулах;

17.1.4.6.2-т заасан орон зайн суурь өгөгдлийг нэгтгэн, нэгдмэл мэдээллийн сан болгон, орон зайн өгөгдлийн дэд бүтцийн үйл ажиллагааг улсын хэмжээнд эрхлэх;

17.1.5.геоплатформд төвлөрүүлсэн болон бусад эх үүсэрт байгаа орон зайн өгөгдөл, мэдээллийг хадгалах, хамгаалах, түгээх, нууцлах;

17.1.6.Орон зайн суурь болон сэдэвчилсэн өгөгдлийг тодорхой хугацаанд шинэчлэх асуудлыг хариуцан ажиллах;

17.1.7.орон зайн өгөгдлийн дэд бүтцийн чиглэлээр инноваци, техник технологийг сайжруулах, тасралтгүй хэвийн үйл ажиллагааг хангах бодлого боловсруулах, төсөл хөтөлбөр хэрэгжүүлэх;

17.1.8.орон зайн өгөгдлийн дэд бүтцийн чиглэлээр сайн туршлагыг нэвтрүүлэх;

17.1.9.салбарын болон салбар хоорондын орон зайн өгөгдлийн дэд бүтцийн уялдаа, хамтын ажиллагаа, ~~хэрэгжээ~~, төсөл, хөтөлбөрийн хэрэгжилтийг хангах, зохион байгуулах;

17.1.10.орон зайн өгөгдөл, мэдээ, мэдээллийг хурдан хугацаанд бүрдүүлж, хэрэглэгчдэд түгээх ажлыг далайцтай болгох зорилгоор орон зайн мэдээллийн үндэсний төвийг байгуулан ажиллуулж болох;

17.1.11.геоплатформын хэвийн, тасралтгүй үйл ажиллагааг хангахаас гадна, хэрэглэгчдийг шаардлагатай мэдээ, мэдээллээр найдвартай хангах;

17.1.12.орон зайн өгөгдлийн дэд бүтцийн талаар мэргэжлийн болон арга зүйн туслалцаа үзүүлэх;

17.1.13.орон зайн өгөгдлийн дэд бүтцийн чиглэлээр хийсэн ажлын тайланг улсын хэмжээнд нэгтгэн, Зохицуулах хороонд тайлагнах;

17.1.14.орон зайн өгөгдлийн дэд бүтцийн үйл ажиллагаатай холбоотой заавар, аргачлал боловсруулж, батлах;

17.1.15.орон зайн өгөгдлийн дэд бүтцийн үйл ажиллагааг сурталчлах, хэрэгжилтэд хяналт тавих.

18 дугаар зүйл. Орон зайн өгөгдөл бүрдүүлэгч байгууллагын чиг үүрэг

18.1.Орон зайн өгөгдлийн бүрдүүлэгч байгууллага дараах чиг үүргийг хэрэгжүүлнэ.

18.1.1.орон зайн суурь өгөгдлийг холбогдох хууль тогтоомжийн дагуу байнга шинэчлэн, үнэн зөв мэдээллийг бүрдүүлж, түүний чанар, нарийвчлалыг хариуцах;

18.1.2.орон зайн сэдэвчилсэн өгөгдлийг холбогдох хууль тогтоомжийн дагуу үнэн зөв бүрдүүлж, түүний чанар, нарийвчлалыг хариуцах;

18.1.3.орон зайн суурь өгөгдлийг дамжуулах, түгээх, ашиглах боломж нөхцөлөөр хангах;

18.1.4.орон зайн суурь өгөгдөл, түүнийг дамжуулахад хэвийн, найдвартай байдлыг хангах;

18.1.5.орон зайн өгөгдлийн дэд бүтцийн үйл ажиллагаанд мэргэжлийн болон арга зүйн туслалцаа авах;

18.1.6.орон зайн өгөгдлийн дэд бүтцийн үйл ажиллагаатай холбоотой журам, заавар, аргачлалыг хэрэгжүүлэх.

19 дүгээр зүйл. Аймаг, нийслэлийн Засаг даргын чиг үүрэг

19.1.Орон зайн өгөгдлийн дэд бүтцийн талаар аймаг, нийслэлийн Засаг дарга дараах чиг үүргийг хэрэгжүүлнэ:

19.1.1.аймаг, нийслэлийн Засаг дарга орон зайн өгөгдлийн дэд бүтцийн тухай хууль тогтоомж, түүнд нийцүүлэн гаргасан журам, дүрэм, стандартыг хэрэгжүүлэх ажлыг харьяалах нутаг дэвсгэрийн хэмжээнд холбогдох байгууллагатай хамтран зохион байгуулах;

19.1.2.байгалийн гамшиг, гэнэтийн болон давагдашгүй хүчин зүйлийн шинжтэй онцгой нөхцөл байдлын үеийг даван туулах, хариу арга хэмжээг төлөвлөх, шийдвэр гаргах, зохион байгуулахад шаардлагатай орон зайн өгөгдөл, мэдээллийг бүрдүүлэхэд орон нутгийн бусад байгууллагыг татан оролцуулах, ажиллах хүч, техник хэрэгслээр хангах, шаардлагатай зардлыг санхүүжүүлэх зэрэг бүх талын дэмжлэг, туслалцааг үзүүлэх.

**ТАВДУГААР БҮЛЭГ
БУСАД**

20 дугаар зүйл. Хууль тогтоомж зөрчигчдөд хүлээлгэх хариуцлага

20.1.Энэ хуулийг зөрчсөн албан тушаалтны үйлдэл нь гэмт хэргийн шинжгүй бол Төрийн албаны тухай хуульд заасан хариуцлага хүлээлгэнэ.

20.2.Орон зайн суурь өгөгдлийг хууль бусаар олж авах, ашиглах, өөрчлөн ашиглах замаар ашгийн төлөө үйл ажиллагаа явуулсан иргэн, хуулийн этгээдийн холбогдох үйл ажиллагааг зогсоож, Зөрчлийн тухай хуульд заасан хариуцлага хүлээлгэнэ.

20.3.Энэ хуулийн 20.1-д зааснаас бусад тохиолдолд иргэн, хуулийн этгээдэд Эрүүгийн хууль, Зөрчлийн тухай хуульд заасан хариуцлага хүлээлгэнэ.

21 дүгээр зүйл. Хүчин төгөлдөр болох

21.1.Энэ хуулийг 202.. оны ... дугаар сарын ...-ны өдрөөс эхлэн дагаж мөрдөнө.

ГАРЫН ҮСЭГ

ОРОН ЗАЙН ӨГӨГДЛИЙН ДЭД БҮТЦИЙН ТУХАЙ ХУУЛИЙГ ДАГАЖ МӨРДӨХ ЖУРМЫН ТУХАЙ

- 1 дүгээр зүйл.** Монгол Улсын Засгийн газар нь Орон зайн өгөгдлийн дэд бүтцийн тухай хуулийн хэрэгжилтийг хангахад шаардлагатай хороог байгуулах, хуульд заасан журмыг боловсруулах, батлах, хууль тогтоомжийг сурталчлах, зохион байгуулалтын болон техник хэрэгсэл, санхүү, эдийн засгийн холбогдох арга хэмжээг авч, 202... оны дугаар сарын-ны өдрийн дотор хэрэгжүүлнэ.
- 2 дугаар зүйл.** Энэ хуулийг Орон зайн өгөгдлийн дэд бүтцийн тухай хууль хүчин төгөлдөр болсон өдрөөс эхлэн дагаж мөрдөнө.

ЗӨРЧЛИЙН ТУХАЙ ХУУЛЬД НЭМЭЛТ ОРУУЛАХ ТУХАЙ

- 1 дүгээр зүйл.** Зөрчлийн тухай хуульд доор дурдсан агуулгатай 12.13 дугаар зүйл нэмсүгэй:

“12.13 дугаар зүйл. Орон зайн өгөгдлийн дэд бүтцийн тухай хууль зөрчих

1. Орон зайн өгөгдлийн дэд бүтцийн тухай хуулийн **Error! Reference source not found., Error! Reference source not found., Error! Reference source not found., Error! Reference source not found., 18.1, Error! Reference source not found., Error! Reference source not found., Error! Reference source not found., Error! Reference source not found.**-т заасныг, энэ хуулийн 12.3, 15.1.2, **Error! Reference source not found., Error! Reference source not found.**-т заасан журмыг зөрчсөн нь эрүүгийн хариуцлага хүлээлгэхээргүй бол хүнийг нэг мянган нэгжтэй тэнцэх хэмжээний төгрөгөөр, хуулийн этгээдийг арван мянган нэгжтэй тэнцэх хэмжээний төгрөгөөр торгоно.

2. Орон зайн өгөгдлийн дэд бүтцийн тухай хуулийн 7.1, 9.3, 9.6, 10.2, 13.2, 13.7, 13.6, 13.8, 16.1-т заасныг зөрчсөн нь эрүүгийн хариуцлага хүлээлгэхээргүй бол учруулсан хохирлыг барагдуулж, хүнийг таван зуун нэгжтэй тэнцэх хэмжээний төгрөгөөр торгоно.”

2 дугаар зүйл. Энэ хуулийг Орон зайн өгөгдлийн дэд бүтцийн тухай хууль хүчин төгөлдөр болсон өдрөөс эхлэн дагаж мөрдөнө.

ЗӨРЧИЛ ШАЛГАН ШИЙДВЭРЛЭХ ТУХАЙ ХУУЛЬД НЭМЭЛТ ОРУУЛАХ ТУХАЙ

- 1 дүгээр зүйл.** Зөрчил шалган шийдвэрлэх тухай хуулийн 1.8 дугаар зүйлд доор дурдсан агуулгатай 6.32 дах хэсэг нэмсүгэй:

“6.32. Орон зайн өгөгдлийн дэд бүтцийн улсын байцаагч Зөрчлийн тухай хуулийн 12.13 дугаар зүйлийн 1, 2 дахь хэсэгт заасан зөрчил.”

2 дугаар зүйл. Энэ хуулийг Орон зайн өгөгдлийн дэд бүтцийн тухай хууль хүчин төгөлдөр болсон өдрөөс эхлэн дагаж мөрдөнө.

ХАЯГЖУУЛАЛТЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

- 1 дүгээр зүйл.** Хаягжуулалтын тухай хуулийн 4 дүгээр зүйлд “4.10. Гудамж, зам, талбай, үл хөдлөх эд хөрөнгийн хаягийг үндэсний орон зайн өгөгдлийн дэд бүтцээр дамжуулан нийтэд түгээнэ.” гэж нэмсүгэй.

2 дугаар зүйл. Хаягжуулалтын тухай хуулийн 3 дугаар зүйлийн 3.1.1 дэх заалтыг “Геоплатформоор дамжуулах боломжтой байх”, 3.1.5 дах заалтыг “Орон зайн суурь өгөгдлийн шаардлагыг хангасан байх” гэж өөрчилсүгэй.

3 дугаар зүйл.Энэ хуулийг Орон зайн өгөгдлийн дэд бүтцийн тухай хууль хүчин төгөлдөр болсон өдрөөс эхлэн дагаж мөрдөнө.

ГЕОДЕЗИ, ЗУРАГ ЗҮЙН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. “Геодези, зураг зүйн тухай хуульд дор дурдсан агуулга бүхий 10¹ зүйлийг нэмсүгэй:

“ 10¹ дүгээр зүйл.Газрын зургийн солбицлын систем

10^{1.1} Газрын зургийг солбицлын системээр нь тусгай болон иргэний гэж хоёр ангилна.

10^{1.1.1} Тусгай болон иргэний солбицлын системийн хоорондох хөрвүүлэлтийн параметр нь төрийн нууцад хамаарна.

10^{1.1.2} "тусгай солбицлын системд хийсэн газрын зураг нь улсыг батлан хамгаалах, аюулгүй байдлыг хангахад зориулагдана.

10^{1.1.3} "Иргэний солбицлын системд хийсэн газрын зураг нь нээлттэй байна.

10^{1.1.4} "энэ хуулийн 10^{1.1.2}-д заасан газрын зургийг иргэний хэрэгцээнд ашиглуулахаар геодези, зураг зүйн улсын нээгдсэн санд шилжүүлэн өгч болно."

2 дугаар зүйл.Энэ хуулийг Орон зайн өгөгдлийн дэд бүтцийн тухай хууль хүчин төгөлдөр болсон өдрөөс эхлэн дагаж мөрдөнө.

ТӨРИЙН БОЛОН АЛБАНЫ НУУЦЫН ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл. Төрийн болон албаны нууцын тухай хуулийн 13 дугаар зүйлийн “13.1.3.д батлан хамгаалах болон улсын хил хамгаалах зориулалттай болон энэ хуулиар төрийн нууцад хамааруулсан мэдээлэл агуулсан байр зүйн зураг;” гэснийг “**13.1.3.д орон зайн өгөгдлийн дэд бүтцийн хаалттай системд (12.2.2-т заасан төрлөөр) хийсэн газрын зураг;**” гэж өөрчилсүгэй.

2 дугаар зүйл.Энэ хуулийг Орон зайн өгөгдлийн дэд бүтцийн тухай хууль хүчин төгөлдөр болсон өдрөөс эхлэн дагаж мөрдөнө.